

## Batal pas warga asing langgar SOP

**Kuala Lumpur:** Jabatan Imigresen Malaysia (JIM) akan membatalkan pas dan kemudahan imigresen yang diberikan kepada warganegara asing melanggar prosedur operasi standard (SOP).

Ketua Pengarah Imigresen, Datuk Khairul Dzaimie Daud berkata, sejak akhir ini tular di dalam media sosial isu warganegara asing yang melanggar SOP pencegahan Covid-19.

"Malahan ada dalam kalangan mereka sengaja mencabar pihak berkuasa supaya mengambil tindakan ke atas mereka.

"Sehubungan dengan itu,

JIM menasihatkan semua warganegara asing mematuhi arahan dan peraturan semasa agensi kerajaan berhubung langkah pencegahan pandemik Covid-19," katanya.

Menurutnya, pihaknya tidak akan teragak-agak membatalkan pas dan sebarang kemudahan imigresen yang diberikan.

"Mereka akan diusir pulang ke negara asal dan disenarai hitamkan dari memasuki negara ini semula,

sepertimana diperuntukkan di dalam Seksyen 8 dan Seksyen 9 Akta Imigresen 1959/63.

"JIM juga mengingatkan kepada warga tempatan menjadi penaja atau majikan kepada warganegara asing supaya bertanggungjawab dalam memastikan warga asing ini patuh kepada arahan dan undang-undang negara ini," katanya.

